



SAVEZ KLIZAČKIH SPORTOVA  
BOSNE I HERCEGOVINE  
**PRAVILNIK ZA STICANJE  
DOZVOLE ZA RAD – LICENCE  
ZA TRENERE UMJETNIČKOG  
KLIZANJA U SAVEZU  
KLIZAČKIH SPORTOVA  
BOSNE I HERCEGOVINE**

Juni. 2020.



## 1. OPŠTE ODREDBE

Dozvola za rad (Licenca) izdaje se u skladu sa Zakonom o sportu u BiH, član 46 od strane Saveza klizačkih sportova BiH. Izdavanju licence prethodi ispunjavanje uslova iz člana 44 Zakona o sportu u BiH i Programa za sticanje dozvole za rad - licence za umjetničko klizanje u SKSBIH.

## 2. TIPOVI DOZVOLA ZA RAD

Definišu su sljedeći tipovi dozvola za rad:

- A:** trener umjetničkog klizanja - dozvola za samostalno obavljanje rada
- B:** asistent trenera umjetničkog klizanja - rad samo na temelju programa kojeg je izradio trener koji ima najmanje licencu A i uz mentorstvo trenera sa licencom A
- C:** trener-instruktor klizanja
- S:** strani (inozemni trener)

## 3. USLOVI ZA STICANJE DOZVOLE ZA RAD

U skladu sa Zakonom o sportu u BiH Član. 44 treneri trebaju da ispunjavaju sljedeće uslove:

### 3.1. Za licencu A: TRENER UMJETNIČKOG KLIZANJA

- a) imati visoku ili višu stručnu školsku spremu iz oblasti sporta, ili
- b) imati visoku ili višu školsku spremu iz drugih oblasti i izobrazbu i/ili licencu za rad u oblasti sporta (umjetničko klizanje), ili
- c) imati status „vrhunskog sportiste“<sup>1</sup> s diplomom<sup>2</sup> za rad u oblasti sporta (umjetničko klizanje)

### 3.2. Za licencu B: ASISTENT TRENERA UMJETNIČKOG KLIZANJA

- a) ima diplomu za rad u oblasti sporta (umjetničko klizanje), a ne ispunjava neke od ostalih uslova navedenih za licencu A

### 3.3. Za licencu C: TRENER-INSTRUKTOR KLIZANJA

- a) ima položen praktični ispit, pred tročlanom trenerskom komisijom SKSBIH

### 3.4. Za licencu S: STRANI (INOZEMNI) TRENER

- a) da je strani državljanin koji posjeduje diplomu i/ili licencu za rad trenera u umjetničkom klizanju izdatu u zemlji iz koje dolazi ili nekoj drugoj zemlji čiji je savez član ISU

## 4. IZDAVANJE DOZVOLE ZA RAD - LICENCE

Dozvola za rad - licenca A, B i C se izdaje na period od dvije (2) godine.

Licenca S se izdaje na period od jedne (1) godine.

Zahtjev za izdavanje se podnosi sekretarijatu SKSBIH, a može ga podnijeti matični klub ili pojedinac putem obrasca uz prilog dokaza o ispunjavanju uslova.

Obnavljanje/produženje licence se vrši minimalno jedan (1) mjesec prije isteka važenja prethodno izdane licence.

<sup>1</sup> vrhunski sportista u umjetničkom klizanju je sportista koji je ostvario nastup na jednom od ISU Events

<sup>2</sup> diploma ili certifikat o završenoj izobrazbi u skladu sa edukacijskim programom za stručno osposobljavanje



## 5. NAKNADA ZA IZDAVANJE DOZVOLE ZA RAD - LICENCE

Naknada za izdavanje za licencu A,B i C u slučaju matičnog kluba iznosi 100 KM prvi put, a za obnavljanje 50 KM. Kada zahtjev podnosi pojedinac naknada za izdavanje iznosi 200 KM prvi put, a za produženje 100 KM. Naknada za izdavanje licence S je 1000 KM. Strani trener koji je angažovan kao glavni trener reprezentacije ili radi na obuci domaćih trenera, odlukom UO SKSBIH može biti oslobođen naknade. Naknada za izdavanje, na molbu podnosioca zahtjeva, može biti plaćena u dvije (2) rate, prva prije podnošenja zahtjeva, a druga najkasnije nakon godinu dana od podnošenja zahtjeva. U slučaju da kandidat u periodu za koji mu je izdata jedna vrsta licence, stekne uslove za izdavanje druge vrste licence, ne podliježe plaćanju naknade za izdavanje nove.

Novčana sredstva uplaćuju se na žiro račun SKSBIH, a bit će iskorištena za usavršavanje trenera i/ili opremu za rad i edukaciju.

## 6. PRELAZNE I ZAVRŠNE ODREDBE

Evidenciju o izdatim licencama vodi sekretarijat SKSBIH, a ista će biti objavljena na internet stranici SKSBIH.

Licencu izdaje UO SKSBIH, a u slučaju grubog kršenja pravila i akata ISU i SKSBIH, kao i Zakona o sportu u BIH istu može i oduzeti.

Pravna osoba koja obavljanje stručnih poslova u klizanju povjeri osobi koja za to ne ispunjava uvjete i fizička osoba koja obavlja stručne poslove u klizanju bez stručne osposobljenosti podliježu Kaznenim odredbama Zakona o sportu u BIH.

Ovaj Pravilnik stupa na snagu donošenjem na Upravnom odboru SKSBIH, 11. Juni 2020.

Predsjednik  
Zikrija Đonko